

福嚴推廣教育班第 34 期
《十住毘婆沙論》卷 10
〈四十不共法品第二十一〉
(大正 26, 71c11-73c28)

釋厚觀 (2017.10.14)

壹、念佛法身功德：佛四十不共法

(壹) 總說佛四十不共法

菩薩如是以三十二相、八十種好念佛生身已，今應念佛諸功德法，所謂：

又應以四十，不共法念佛，諸佛是法身，非但肉身故。

諸佛雖有無量諸法，不與餘人共者，有四十法。若人念者，則得歡喜。何以故？諸佛非是色身，是法身故。如經說：「汝不應但以色身觀佛，當以法觀。」¹

四十不共法²者：一者、飛行自在，二者、變化無量，三者、聖如意無邊，四、聞聲³自在，五、無量智力知他心，六、心得自在，七、常在安慧處，八、常不妄誤，九、得金剛三昧力，十、善知不定事；

十一、善知無色定事，十二、具足通達諸永滅事，十三、善知心不相應、無

¹ (1)《小品般若波羅蜜經》卷 10〈28 曇無竭品〉(大正 8, 584b10-11)：

諸佛如來，不應以色身見，諸佛如來皆是法身故。

(2)《摩訶般若波羅蜜經》卷 27〈89 法尚品〉(大正 8, 421c16-18)：

諸佛不可以色身見，諸佛法身無來無去，諸佛來處去處亦如是。

(3)《大智度論》卷 99〈89 曇無竭品〉(大正 25, 747a18-28)：

佛有二種身：一者、法身，二者、色身。法身是真佛，色身為世諦故有。

佛法身相：上種種因緣說諸法實相，是諸法實相亦無來無去，是故說「諸佛無所從來，去亦無所至」。若人得諸佛法身相，是名近阿耨多羅三藐三菩提，未得一切智故名為近，以相似故。

般若波羅蜜名諸法實相，若能如是行，是為行般若波羅蜜真佛弟子。真佛弟子者，得諸法實相名為佛；得諸法實相差別故，有須陀洹乃至辟支佛、大菩薩；須陀洹等乃至大菩薩，是名真佛弟子。

² 案：「佛四十不共法」，《十住毘婆沙論》卷 10〈21 四十不共法品〉僅解釋第 1 至第 9 不共法，卷 10-11〈21 四十不共法中難一切智人品〉穿插了「是否有一切智人」的討論，卷 11〈23 四十不共法中善知不定法品〉則繼續解釋第 10 至第 40 不共法；其中，解釋第 17 與第 20 不共法時順序互調。

³ 聞聲＝聲聞【明】。(大正 26, 71d, n.12)

色法，十四、大勢波羅蜜，十五、無礙波羅蜜，十六、一切問答及記⁴具足答波羅蜜，十七、具足三轉⁵說法⁶，十八、所說不空，十九、所說無謬失，二十、無能害者；

二十一、諸賢聖中大將，二十五、四不守護，⁷二十九、四無所畏，⁸ (72a) 三十九、佛十種力，⁹四十、無礙解脫，是為四十不共之法。

〔貳〕別釋四十不共法

今當廣說：

一、飛行自在

〔一〕略釋

飛行自在者，諸佛飛行如意自在、如意滿足，速疾、無量¹⁰，無礙。所以者何？

〔二〕別釋

1、方式——如意自在，如意滿足

〔1〕佛於虛空舉足即能如意飛行

佛若欲於虛空先舉一足，次舉一足，即能如意。

⁴ (1) (受) + 記【宋】【元】【明】【宮】。(大正 26, 71d, n.13)

(2) 印順法師，《原始佛教聖典之集成》，第八章，第三節，第一項〈記說〉，p.533：「記說」，本只是說明、分別、解答的意義。在聖典的成立過程中，漸重於「甚深教說與證德」的顯示，因而「記說」有了「對於深秘的事理，所作明顯決了（無疑）的說明」的特殊意義。從甚深的教說與證德，更有了「三世業報與過未佛德」的傾向。

⁵ 轉 = 輪【宋】【元】【明】【宮】。(大正 26, 71d, n.14)

⁶ (1) 《十住毘婆沙論》卷 11〈23 四十不共法中善知不定品〉(大正 26, 81c13-15)：有三希有：⁽¹⁾ 現神通希有、⁽²⁾ 逆說彼心希有、⁽³⁾ 有教化希有，以是三希有說法，名為「以希有說法」。

(2) 《阿毘達磨俱舍論》卷 27〈7 分別智品〉(大正 29, 143c7-8)：三示導者，一、神變示導，二、記心示導，三、教誡示導。

(3) 案：「具足三轉說法」即是「三希有」或「三示導」。

⁷ 《十住毘婆沙論》卷 11〈23 四十不共法中善知不定品〉(大正 26, 82a1-3)：

四不守護法者：諸佛不守護身業、不護口業、不護意業、不護資生。

⁸ 參見《十住毘婆沙論》卷 11〈23 四十不共法中善知不定品〉(大正 26, 82a11-29)，《大智度論》卷 25〈1 序品〉(大正 25, 241b24-242a29)。

⁹ 參見《十住毘婆沙論》卷 1〈2 入初地品〉(大正 26, 24b23-c2)，《大智度論》卷 25〈1 序品〉(大正 25, 235c22-241b15)。

¹⁰ (無量) - 【宋】【元】【明】【宮】。(大正 26, 72d, n.1)

(2) 住立不動即能得去

若欲舉足躡¹¹虛空而¹²去、若欲住立不動而去，即能得去。

(3) 結跏趺坐亦能得去

若結跏趺安坐而去，亦能得去。

(4) 安臥亦復能去

若欲安臥而去，亦復能去。

(5) 能以寶蓮花遍於空中，蹈上而去

若欲於青琉璃莖、真珊瑚葉、黃金為鬚、如意珠臺，無量圍繞如日初出，是寶蓮花遍於空中，蹈¹³上而去。

(6) 能隨意化作如諸天宮殿坐中而去

若欲如日月宮殿、帝釋勝殿、夜摩天、兜率陀天、化樂天、他化自在天、諸梵王等宮殿，隨意化作如彼宮殿坐中而去，即能成辦。

(7) 以餘種種因緣隨意能去

若更以餘種種因緣，隨意能去，是故說言：「隨諸所願，皆能滿足。」

2、無量、速疾

(1) 無量

A、第一說：以一步，過恒河沙等大千世界

是故諸佛能以一步，過恒河沙等三千大千世界。

B、第二說：以一念頃，過若干百千國土

有人言：「佛能一念頃，過若干百千¹⁴國土。」

C、第三說：無量無邊

有人言：「若知佛一步、一念能如是去，即可得量。」經中說：「諸佛力無量。」是故當知，諸佛虛空飛行自在無量無邊。

(2) 速疾

何以故？若大聲聞弟子神通自在，以一念頃能過百億閻浮提、瞿陀尼、

¹¹ 躡（ㄅㄨˋ ㄛˋ）：1. 踩，踏。（《漢語大詞典》（十），p.570）

¹² （而）－【宋】【元】【明】【宮】。（大正 26，72d，n.2）

¹³ 蹈（ㄉㄠˋ ㄨㄛˋ）：1. 踩。3. 踏上。5. 行走。（《漢語大詞典》（十），p.527）

¹⁴ （百千）－【宋】【元】【明】【宮】。（大正 26，72d，n.3）

弗婆提、鬱多羅，¹⁵越四大王天¹⁶、忉利天、夜摩天、兜率陀天、化樂天、他化自在天、梵天，一瞬¹⁷中過若干念，積此諸念，以成一日、七日、一月、一歲，乃至百歲。一日過五十三億二百九十六萬六千三千大千世界，如是聲聞人百歲所過，佛一念能過。

復次！假令恒河中沙，一沙為一劫¹⁸，有大聲聞神通第一，壽命如是諸恒河沙大劫，於一念中過若干世界，積如是念以為日月歲數，以自在力盡是諸大劫數所過（72b）國土，佛能一念中過。諸佛飛行自在，如是速疾。

3、無礙

於一切鐵圍山、十寶山¹⁹，四天王²⁰處、忉利天處、夜摩、兜率陀、化樂、他化自在、²¹梵世、梵眾、大梵、²²少光、無量光、光音、²³少淨、無量淨、遍淨、²⁴廣果、無相²⁵、不廣、不惱、喜見、妙見、阿迦尼吒天，²⁶如

¹⁵ 案：四洲，閻浮提（南瞻部洲），瞿陀尼（西牛貨洲），弗婆提（東勝身洲），鬱多羅（北俱盧洲）。

¹⁶ 王天=天王【宋】【元】【明】【宮】。（大正 26，72d，n.4）

¹⁷ 瞬：3.一眨眼工夫。極言時間短暫。（《漢語大詞典》（七），p.1255）

¹⁸ 劫=河【宋】【元】【明】【宮】。（大正 26，72d，n.5）

¹⁹ 《十住經》卷 4〈10 法雲地〉（大正 10，531c29-532b9）：

諸佛子！是諸菩薩十地，因佛智故而有差別。譬如因大地故，有十大山王。何等為十？所謂雪山王、香山王、軻梨羅山王、仙聖山王、由乾陀羅山王、馬耳山王、尼民陀羅山王、斫迦婆羅山王、眾相山王、須彌山王。……諸佛子！是十寶山同在大海。

²⁰ （王）—【宋】【元】【明】【宮】。（大正 26，72d，n.6）

²¹ 六欲天：四天王處、忉利天、夜摩天、兜率陀天、化樂天、他化自在天。

²² 初禪天：梵世天、梵眾天、大梵天。

²³ 第二禪天：少光天、無量光天、光音天。

²⁴ 第三禪天：少淨天、無量淨天、遍淨天。

²⁵ 相=想【宋】【元】【明】【宮】。（大正 26，72d，n.7）

²⁶ （1）《十住毘婆沙論》卷 14〈28 分別二地業道品〉（大正 26，99a27-b5）：

修四禪下思故生阿那婆伽天，修四禪中思故生福生天，修四禪上思故生廣果天；修無想定中思得生無想天。

以無漏熏修四禪下思故生不廣天，以無漏熏修四禪勝思故生不熱天，以無漏熏修四禪勝思故生喜見天，以無漏熏修四禪勝思故生妙見天，以無漏熏修四禪最上思故生阿迦膩吒天。

（2）參見《摩訶般若波羅蜜經》卷 12〈43 無作品〉（大正 8，311a2-4）：

阿那婆伽天、得福天、廣果天、無想天、阿浮訶那天、不熱天、快見天、

是諸處；大風、大水、劫盡火等，及諸天、龍、夜叉、乾闥婆、阿修羅²⁷、緊那羅、摩睺羅伽，²⁸諸天、魔及梵，沙門、婆羅門及得諸神通者，不能為礙，是故說飛行無礙。

4、佛勝餘聖人

又，飛行自在，如意所作，出沒於地，能過石壁、諸山障礙等，佛於此事勝諸聖人。

又，佛能以常身立至梵天，聲聞人所不能及，有如是等差別。

二、變化自在

(一) 略釋

變化自在者，變化事中有無量力。

(二) 佛勝餘聖人

1、變化無量無邊

餘聖變化有量有邊，諸佛變化無量無邊。

2、能以一念隨意變化

餘聖於一念中變化一身，佛以一念隨意變化，有無量事。如《大神通經》中說：「佛從臍中出蓮花，上有化佛，次第遍滿，上至阿迦尼吒天。諸佛變化所作眾事，種種色、種種形，皆以一念。」²⁹

3、能於無量無邊國土變化自在

又，聲聞人能於千國土內變化，諸佛能於無量無邊國土變化自在，又能倍是。諸佛得堅固變化三昧。

又，諸佛變化能過恒沙世界，皆從一身出。

4、佛能普於十方世界現生受身，乃至轉法輪等事，皆以一念作之

復次！佛能普於十方無量無邊世界，現生受身墮地行七步、出家、學道、

妙見天、阿迦尼吒天。

(3) 《阿毘達磨俱舍論》卷 8 〈3 分別世品〉(大正 29, 41a19-22)：

第四靜慮處有八者：一、無雲天，二、福生天，三、廣果天，四、無煩天，五、無熱天，六、善現天，七、善見天，八、色究竟天。

²⁷ 羅+ (迦樓羅)【明】。(大正 26, 72d, n.8)

²⁸ 天龍八部：天、龍、夜叉、乾闥婆、阿修羅、緊那羅、摩睺羅伽，其中少了迦樓羅。

²⁹ 出處待考。

破魔軍眾、得道、轉法輪——如是等事，皆以一念作之。是諸化佛皆亦復能施作佛事，如是等諸佛所變化作事，無量無邊。

三、聖如意無邊

(一) 釋義

又於聖如意中，有無量力。

聖如意者，³⁰所謂從身放光，猶如³¹猛火，又出諸雨；變化壽命，隨意長短。於一念頃能至梵天，能變諸物，隨意自在，能動大地。光明能照無量世（72c）界而不斷絕。

(二) 佛勝餘人

1、凡夫之變化

聖如意者，不與凡夫等故，無有量故，過諸量故；諸凡夫等，雖變化諸物，少不足言。

2、聲聞人之變化

聲聞人能裂千國土，還使令合；能令壽命若至一劫，若減一劫，還能令短，短已不³²能令長；於一念中能至千國土、梵世界，能於千國土隨意變化，能動千國土，能身出光明，相續不絕照千國土。設使³³身滅，能留神力，變化如本於千國土。

3、辟支佛之變化

小辟支佛，能於萬國土，萬種變化。

中辟支佛，能於百萬國土，百萬種變化。

大辟支佛³⁴，能於三千大千國土，變化如上。

³⁰ 《大智度論》卷5〈1序品〉（大正25，98a3-5）：

聖如意者，外六塵中不可愛不淨物，能觀令淨；可愛淨物，能觀令不淨；是聖如意法，唯佛獨有。

³¹ 猶如＝光猶【宋】【元】【明】【宮】。（大正26，72d，n.9）

³² 不＝復【宋】【元】【明】。（大正26，72d，n.10）

³³ 設使：1.假使。2.縱令，即使。（《漢語大詞典》（十一），p.83）

³⁴ （1）《坐禪三昧經》卷下（大正15，280c25-281a7）：

辟支佛有三種：上、中、下。

下者，本得須陀般那、若息忌陀伽迷^{*}，是須陀般那於第七世生人中，是時無佛法，不得作弟子，復不應八世生，是時作辟支佛。若息忌陀伽迷二世生，是時無佛法，不得作弟子，復不應三世生，是時作辟支佛。

4、諸佛世尊之聖如意

諸佛世尊，能過諸恒河沙世界算數變化。

- (1) 身出水火。
- (2) 能末³⁵恒河沙等世界令如微塵，又能還合能住。
- (3) 壽命無量劫數，還能令少，少已還能令長。
- (4) 能於無量時住，變化隨意。
- (5) 能以一念至無量無邊恒河沙等世界。
- (6) 能以常身，立至梵世。
- (7) 又能變化無量無邊阿僧祇世界皆令作金，或令作銀、琉璃、珊瑚、車磔、馬瑙³⁶。取要言之，能令作無量寶物，隨意所作。
- (8) 又復能變恒河沙等世界大海水，皆使為乳、酥、油、酪、蜜，隨意而成。
- (9) 又能以一念變化³⁷諸山皆是真金，過諸算數不可稱計。
- (10) 又能震動無量無邊世界一切欲界、色界諸天宮殿。

有人願作辟支佛，種辟支佛善根時，無佛法，善根熟，爾時厭世出家，得道名辟支佛，是名中辟支佛。

有人求佛道，智力進力少，以因緣退（如舍利弗是也），是時佛不出世，無佛法亦無弟子，而善根行熟作辟支佛。有相好若少若多，厭世出家得道，是名上辟支佛。

※《坐禪三昧經》卷 2（大正 15，280b7-8）：

先未斷結，得十六心，名須陀般那。

若先斷六品結，得十六心，名息忌陀伽迷（秦言一來）。

※案：「須陀般那」（srota-āpanna）即是「須陀洹」。

「息忌陀伽迷」（sākṛd-āgāmin）即是「斯陀含」。

(2) 《大智度論》卷 18〈1 序品〉（大正 25，191b12-18）：

大辟支佛，亦於一百劫中作功德，增長智慧，得三十二相分：或有三十一相，或三十、二十九相，乃至一相。於九種阿羅漢中，智慧利勝，於諸深法中總相、別相能入；久修習定，常樂獨處。如是相，名為大辟支迦佛，以是為異。

³⁵ (1) 末=抹【明】。（大正 26，72d，n.11）

(2) 末：調研成粉末。（《漢語大詞典》（四），p.692）

³⁶ 車磔馬瑙=碑磔瑪瑙【宋】【元】【明】【宮】。（大正 26，72d，n.12）

³⁷ （化）—【宋】【元】【明】【宮】。（大正 26，72d，n.13）

(11) 又以一念能令若干金色光明遍照如是無量世界，日月光明及欲、色界諸天宮殿光明，皆令不現。

(12) 雖滅度後，能於如是諸世界中，隨意久近，流布神力常不斷絕。

四、聞聲自在

(一) 略釋

聞聲自在者，諸佛所聞聲中，隨意自在。

(二) 別釋

1、能聞聲

(1) 隨意得聞

若無量百千萬億伎³⁸樂同時俱作，若無量百千萬億眾生一時發言，若遠若(73a)近，隨意所³⁹聞。假令恒河沙等三千大千世界所有眾生，同時俱作若干百千萬種伎樂，遍滿世界，復有恒河沙等世界眾生，同時以梵音，遍滿一切世界。諸佛若欲於中聞一音聲，隨意得聞，餘者不聞。

(2) 雖有大神力障，亦能得聞

聲聞所應聞者，若有大神力障者，不能得聞。
諸佛所聞音聲，雖有大神力障，亦能得聞。

(3) 過無量世界最細音聲亦皆能聞

聲聞能聞千國土內音聲；諸佛世尊所聞音聲，過無量無邊世界最細音聲，皆亦得聞。

2、所發音，能令眾生聞或不聞

大神力聲聞住梵世界，發大音聲能滿千國土內；諸佛世尊若住於此，若住梵世，若住餘處，音聲能滿無量無邊世界。若欲令眾生聞，過無量無邊世界最細音聲，能令得聞；欲令不聞，即便不聞。

是故，但有諸佛於聞⁴⁰聲中得自在力。

五、無量智力知他心

(一) 釋義

知他心無量自在力者，諸佛世尊，於無量無邊世界現在眾生，悉知其心。

³⁸ 伎=伎【宋】【元】【明】【宮】。(大正 26, 72d, n.14)

³⁹ 所=能【宋】【元】【明】【宮】。(大正 26, 73d, n.1)

⁴⁰ 聞=音【宋】【元】【明】【宮】。(大正 26, 73d, n.2)

（二）佛勝餘人

1、以名相義知

餘人但隨名相故知，諸佛以名相義故知。

2、能知無色界眾生諸心

又餘人不能知無色界眾生諸心，諸佛能知。

3、能壞餘人神力，得知其心

餘人雖有知他心智，大力⁴¹者障則不能知。假使一切眾生成就心通皆如舍利弗、目犍⁴²連、辟支佛等，以其神力障一人心，不令他知，而佛能壞彼神力，得知其心。

4、悉知眾生上中下心、垢心淨心

復次，佛以神力悉知眾生上中下心、垢心淨心。

5、知諸心所緣，遍知一切諸緣

又知諸心各有所緣，從是緣至是緣，次第遍知一切諸緣。

6、以實相知眾生心

又以實相知眾生心。

是故，諸佛以無量⁴³力悉知他心。

六、心得自在

第一調伏心波羅蜜者，善知諸禪、定、三昧、解脫，⁴⁴住、入、起時。諸佛若入定、若不入定，欲繫心一緣中，隨意久近，如意能住。從此緣中更

⁴¹ 力+（勢）【宋】【元】【明】【宮】。（大正 26，73d，n.3）

⁴² 犍=捷【宋】【元】【宮】*。（大正 26，73d，n.4）

⁴³ 量=上【宋】【元】【明】【宮】。（大正 26，73d，n.5）

⁴⁴ 參見《十住毘婆沙論》卷 11〈23 四十不共法中善知不定品〉（大正 26，82c8-18）：
佛於禪、定、解脫、三昧垢淨相如實知。

禪者，四禪。

定者，四無色定、四無量心等皆名為定。

解脫者，八解脫。

三昧者，除諸禪、解脫，餘定盡名三昧。

有人言：三解脫門及有覺有觀定、無覺有觀定、無覺無觀定，名為三昧。

有人言：定小三昧大，是故一切諸佛菩薩所得定，皆名三昧。

是四處皆攝在一切禪波羅蜜。

垢名受味、淨名不受味。復次！垢名有漏定、淨名無漏定。

三昧、解脫等分別者，如是禪分別，知他眾生、他人上下諸根。

住餘緣，隨意能住。(73b)

若佛住常心，欲令人不知，則不能知。假使一切眾生，知他心智如大梵王、如大聲聞、辟支佛，成就智慧，知他人心，以此諸⁴⁵智令一人得，是人欲知佛常心，若佛不聽，則不能知。

如《七方便經》中說：「行者善知定相，善知住定相，善知起定相，善知安隱定相，善知定行處相，善知定生相，善知宜諸定法、不宜諸定法。」⁴⁶

是名「諸佛第一調伏心波羅蜜」。

七、常在安慧處

諸佛常安慧者，諸佛安慧常不動，念常在心。何以故？先知而後行⁴⁷，隨意所緣中，住無疑行故，斷一切煩惱故，出過動性故。

如佛告阿難：「佛於此夜得阿耨多羅三藐三菩提，一切世間若天、魔、梵、沙門、婆羅門，以盡苦道教化周⁴⁸畢，入無餘涅槃。於其中間，佛於諸受，知起、知住、知生、知滅；諸相⁴⁹、諸觸、諸覺、諸念，亦知起、知住、知生、知滅。」⁵⁰

惡魔七年晝夜不息，常隨逐佛，不得佛短，不見佛念不在念安慧。

是名「諸佛常住安慧行中」。

八、常不妄誤

不忘失法者，諸佛⁽¹⁾得不退法故，⁽²⁾通達五藏法⁵¹故，⁽³⁾得無上法故，諸佛常不忘失。諸佛菩提樹下所得，乃至入無餘涅槃，若天、魔、梵、沙門、

⁴⁵ 諸=心【宋】【元】【明】【宮】。(大正 26, 73d, n.6)

⁴⁶ 出處待考。

⁴⁷ 行+(生)【宋】【元】【明】【宮】。(大正 26, 73d, n.7)

⁴⁸ 周：7.完備，充足。(《漢語大詞典》(三)，p.293)

⁴⁹ 案：疑為「想」。合為五遍行：作意、觸、受、想、思。

⁵⁰ 出處待考。

⁵¹ (1)《十住毘婆沙論》卷 9〈20 念佛品〉(大正 26, 69b18-21)：

是諸佛者於無量無邊百千萬億不可思議不可計劫修習功德，善能守護身、口、意業，於過去、未來、現在、無為、不可說五藏法中，悉斷諸疑。

(2)《十住毘婆沙論》卷 10〈22 四十不共法中難一切智人品〉(大正 26, 75b28-c1)：

凡一切法有五法藏，所謂過去法、未來法、現在法、出三世法、不可說法。唯佛如實遍知是法。

婆羅門及餘聖人，無能令佛有所忘失。

如《法印經》中說：「道場所得名實得，更無勝法。」⁵²

如《衣毛豎經》⁵³說：「舍利弗！若人實語，有能於法不忘失者，應說我是。何以故？唯我一人無所忘失。」

是名「諸佛於法無忘失」。

九、得金剛三昧力

(一) 正說得金剛三昧力

1、釋義

金剛三昧者，諸佛世尊金剛三昧，是不共法，⁽¹⁾無能壞故，⁽²⁾於一切處無有障礙故，⁽³⁾得正遍知故，⁽⁴⁾壞一切法障礙故，⁽⁵⁾等貫穿故，(73c)⁽⁶⁾得諸功德利益力故，⁽⁷⁾諸禪定中最上故。無能壞者，是故名為「金剛三昧」；如金剛寶無物能破者，是三昧亦如是。無有⁵⁴法可以壞者，是故名「金剛三昧」。

2、釋疑

(1) 一切處無闕故，不可壞

問曰：何故不可壞？

答曰：一切處無有闕⁵⁵故，如帝釋金剛⁵⁶無有闕處；是三昧亦如是。

⁵² 出處待考。

⁵³ Lamotte，法文譯注《大智度論》(1970, p.1554, n.1)：

《毛豎經》，參見 Majjhima (巴利《中部》)，I, pp.68-83；《雜阿含經》卷 26 (684 經)(大正 2，186b26-187b7)；《增壹阿含經》卷 23 (大正 2，670c2-672b3)；《增壹阿含經》卷 42 (大正 2，776b14-777a15)；《增壹阿含經》卷 48 (大正 2，811a29-812b14)；《身毛喜豎經》(大正 17，591c-600b)；《信解智力經》(大正 17，747a-748c)。

⁵⁴ (有)－【宋】【元】【明】【宮】。(大正 26，73d，n.8)

⁵⁵ 闕＝礙【宋】【元】【明】【宮】下同。(大正 26，73d，n.9)

⁵⁶ (1)〔北涼〕曇無讖譯，《大方等大集經》卷 48〈5 第一義諦品〉(大正 13，316c4-5)：

如帝釋金剛杵，降伏一切煩惱、阿修羅。

(2)參見《大智度論》卷 47〈18 摩訶衍品〉(大正 25，400b22-26)：

「如金剛三昧」者，能破一切諸煩惱結使無有遺餘；譬如釋提桓因，手執金剛破阿修羅軍。即是學人末後心，從是心次第得三種菩提；聲聞菩提、辟支佛菩提、佛無上菩提。

(2) 能通達一切法，名一切處不闕

問曰：是三昧，何故名「一切處不闕」？

答曰：**正通達一切法故**。諸佛住是三昧，悉能通達「過去、現在、未來、過出⁵⁷三世、不可說」五藏所攝法，是故名「一切處不闕」。

若諸佛住是三昧，諸所有法若不通達，名為有礙；而實不爾，是故名「無礙」。

(3) 能開一切障故，能通達一切法

問曰：何以故，是三昧通達一切法？

答曰：**是三昧能開一切障礙法故**，所謂「煩惱障闕、定障闕、智障闕」⁵⁸能開故，是名能通達一切法。

(4) 等貫穿三法故，能開一切障

問曰：是三昧何故能開一切障，餘三昧不能？

答曰：是三昧善等貫穿三⁵⁹法，⁽¹⁾能壞諸煩惱山令無餘故，⁽²⁾正遍通達一切法故，⁽³⁾善得不壞心解脫故，是故此三昧能開一切障闕。

(5) 得一切諸功德故，能等貫穿三法

問曰：是三昧何故等貫穿三⁶⁰法？

答曰：**住是三昧得力故，能得一切諸功德**，餘三昧無如是力，是故是三昧能等貫穿。

(6) 諸定中最为第一故，能得一切諸功德

問曰：何故住是三昧得力故，能得一切諸功德？

答曰：**是三昧於諸定中最为第一**，是故住是三昧能得諸功德。

⁵⁷ 出=去【宋】【元】【明】【宮】。(大正 26, 73d, n.10)

⁵⁸ 《十住毘婆沙論》卷 11〈23 四十不共法中善知不定品〉(大正 26, 83a24-29)：無礙解脫者，解脫有三種，一者、於煩惱障礙解脫，二者、於定障礙解脫，三者、於一切法障礙解脫。

是中得慧解脫阿羅漢，得離煩惱障礙解脫。

共解脫阿羅漢及辟支佛，得離煩惱障礙解脫，得離諸禪定障礙解脫。

唯有諸佛具三解脫。

⁵⁹ (1) 二=三【宋】【元】【明】【宮】*。(大正 26, 73d, n.11)

(2) 案：大正藏原作「二」，今依宋本等作「三」。三法：指「煩惱障、定障、智障」等三種障礙法。

⁶⁰ 案：大正藏原作「二」，今依宋本等作「三」。

(7) 無量無邊善根所成故，於諸定中最为第一

問曰：何故是三昧，於諸定中最为第一？

答曰：是三昧無量無邊善根所成故，於諸定中最为第一。

(8) 金剛三昧唯一切智人有，是無量無邊善根所成

問曰：是三昧，何故無量無邊善根所成？

答曰：是三昧唯一切智人有，餘人所無，是故名為「金剛三昧」。